

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Pasqyrë moj pasqyrë! Pse i kemi çmimet kaq të shtrenjta
ADRESA	https://www.cna.al/ekonomi/pasqyre-moj-pasqyre-pse-i-kemi-cmimet-kaq-te-shtrenjta-i475365
BURIMI	cna.al
GJENDJA	online

KOHA


KAPUR NGA NE	28 shtator 2026, 05:31:56 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	28 shtator 2026, 05:21:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	85ce220c84291626049649bcc21390106b573b1298bec6c55d5c4f855ae7e288
TEKSTI	6befda456fecfdd0fd479ece40e1635839c4f4e3fc4d5b5bd5b7cf62feb04c9
PAMJA	539b7862fdab795ed61634bff4c743e6a6f576444798408707232db85611df1d

ZINXHIRI I PROVËS

KJO HYRJE	5a893847403bc1d8405a95f79f75fdb2d266beab8f2ae1c61390f4cd831fc178
E MËPARSHMJA	—
RRËNJA MERKLE	2fad39eb4a5630a03d13ec48550b069ca76ccbe736c7b94b7af60112a505f929
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/5a893847403bc1d8405a95f79f75fdb2d266beab8f2ae1c61390f4cd831fc178>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [AKTUALITET](#)
- [POLITIKË](#)
- [KRONIKA](#)
- [EKONOMI](#)
- [SOCIALE](#)
- [DENONCIM](#)
- [STIL](#)
- [SPORT](#)
- [TECH](#)
- [KULTURE](#)
- [BLOG](#)
- [LIVESTREAM](#)



English
English

Pasqyrë moj pasqyrë!/- Pse i kemi çmimet kaq të shtrenjta



28 Shtator 2026, 07:21, Ekonomi CNA



Pasqyrë moj pasqyrë, cili është shteti me rritjen më të lartë në Ballkan?:

"Padyshim që është Shqipëria, me një zgjerim prej 3.7%, duke lënë pas Kosovën (3.6%), Maqedoninë e Veriut (3.5%), Malin e Zi (2.7%), Bosnjë-Hercegovinën (2.4%) dhe Serbinë 2%", përgjigjet pasqyra, duke ndriçuar.

"Pasqyrë moj pasqyrë, cili është vendi që i ka trefishuar të ardhurat për frymë që nga viti 2013, duke ecur më shpejt se mesatarja e Ballkanit Perëndimor?". "Shqipëria, natyrisht", përgjigjet pasqyra dhe shton edhe disa ndriçues.

"Pasqyrë, mos pasqyrë, atëherë si e shpjegon ti që Shqipëria, me gjithë këto arritje, ka çmimet e ushqimeve më të larta se mesatarja e BE-së, rritje shumë të ulët të të ardhurave për frymë sipas fuqisë blerëse, emigracion të lartë dhe një nda rënie më të forta të popullsisë në Europë në tri dekadat e fundit?"

Pasqyra, – e cila është prezantuar pikërisht si një platformë që do të risë transparencën dhe do t'u japë qytetarëve një pamje të drejtpërdrejtë të çmimeve në treg, – pulit ekranin, kërkon disa sekonda për përditësim dhe përgjigjet:

"Unë jam krijuar nga qeveria për t'u treguar qytetarëve ku janë çmimet më të lira, jo për të shpjeguar pse janë kaq të shtrenjta. Por, po deshët një përgjigje të shpejtë, fajin e kanë importuesit, furnitorët dhe supermarketet. Me pak fjalë, kulakët e rinj të ekonomisë së tregut. Qeveria rriti ekonominë, ata shtrenjtuan çmimet".

Meqë pasqyra nuk na dha përgjigje, po përiqemi ta gjejmë vetë.

Rritja ekonomike e viteve të fundit është mbështetur fort te ndërtimi, konsumi, shpenzimet publike dhe taksat. Në vitin 2025, taksat neto dhe administrata publike sollën 77% të rritjes ekonomike. Rritja e pagave në administratë shtoi konsumin, të ardhurat nga tatimet e kontributet dhe presionin mbi bizneset private për të bërë të njëjtën gjë.

Por biznesi nuk i rriti pagat vetëm sepse e frymëzoi qeveria. I rriti sepse punonjësit po largoheshin.

Emigracioni krijoi mungesë të fuqisë punëtore dhe pagat u rritën pa u shoqëruar me të njëjtin përmirësim të produktivitetit. Për ndërmarrjet prodhuese kjo do të thotë kosto më të larta, konkurrueshmëri më të ulët dhe, në fund, çmime më të shtrenjta.

Këtu fillon të kriset pasqyra. Të ardhurat nominale për frymë mund të trefishohen edhe nga rritja e çmimeve, forcimi i lekut dhe zvogëlimi i numrit të banorëve mes të cilëve pjesëtohet ekonomia.

Ndërkohë, sipas fuqisë blerëse, të ardhurat mbeten rreth 48% e mesatares së BE-së, kurse çmimet e ushqimeve arritën në vitin 2025 në 102.9% të mesatares europiane. Pra, të ardhura shqiptare dhe çmime europiane.

Ndërsa ndërtimi ngrihet kat pas kati, industria përpunuese ka hyrë në cikël negativ prej të paktën nëntë tremujorësh radhazi, periudha më e gjatë e rënies apo stanjacionit pas viteve '90. Nëse prodhimi vendas dhe eksportet vazhdojnë të dobësohen, vendi rrezikon të kthehet në atë që vetë industrialistët e kanë quajtur "një supermarket i madh": importojmë gjithçka, shesim shërbime dhe apartamente, ndërsa konsumatorët me të ardhurat më të ulëta paguajnë çmimet më të larta.


As rënia e euros nuk po kalon e plotë te konsumatori. Në shtatë muajt e parë të vitit 2026, çmimi mesatar për kilogram i importeve të ushqimeve, pijeve dhe duhanit ra me 6.5%, por çmimet e ushqimeve në treg u rritën.

Në çmimin përfundimtar përfshihen edhe transporti, magazinimi, humbjet, qiratë, trafiku sezonal, karburanti ndër më të shtrenjtët në Europë dhe TVSH-ja 20% për ushqimet, kur shumë vende europiane zbatojnë norma të reduktuara.

Mbi të gjitha, futet dobësia e prodhimit vendas dhe varësia nga importet. Mund të ketë marzhe të tepruara apo sjellje spekulative, por ato nuk vërtetohen me deklaratat, duhen kontrolluar faturat, zinxhiri i furnizimit dhe niveli i konkurrencës.

Prandaj çmimet nuk ulen me urdhër, me lista publike apo me portale që krahasojnë etiketat. Ulen kur ekonomia prodhon më shumë, kur bujqësia dhe industria bëhen konkurruese, kur rritja e pagave mbështetet te produktiviteti, kur përmirësohet logjistika, kur taksat mbi produktet bazë rishikohen dhe kur institucionet godasin abuzimin e provuar, jo armikun e shpallur.

Pasqyra e Arkimedit, sipas legjendës, dogji flotën armike duke kthyer mbi të rrezet e diellit. Pasqyra e Ramës po tenton të djegë spekulimin me çmimet. Por, teksa pas saj qëndron një ekonomi që prodhon pak dhe importon shumë, rezja rrezikon të djegë, si gjithmonë, mbi xhepin e konsumatorit./ Monitor





Të sugjeruara

Monedhat e huaja në rënie/ Kursi i këmbimit, 28 shtator 2026

Paga minimale përballë çmimeve/ Ja ku renditet Shqipëria

Monedhat e huaja në krizë/ Kursi i këmbimit, 27 shtator 2026

Monedhat e huaja nuk dalin nga gremina/ Kursi i këmbimit, 26 shtator 2026

Të dhënat për 6 mujorin e parë/ Ja cili shtet është investitori kryesor i huaj në Shqipëri

BE vë në dispozicion 922 milionë euro, por investimet me financim të huaj bien 20% në 8-mujor

WEF: Shqipëria me përmirësimin më të madh në botë në indeksin e turizmit, nga çmimet e lira

Rikthimi i penaliteteve, bizneset nuk po fitojnë, apo nuk po paguajnë/ Të ardhurat bien 5%

Monedhat e huaja në rënie/ Kursi i këmbimit, 25 shtator 2026

Në kulmin e krizës/ Qeveria propozon të shtohet taksë e re për naftën

Pasuritë e paluajtshme përbëjnë më shumë se 22% të aktiveve të sektorit të sigurimeve

Paratë në bankë kanë ende gjini/ Gratë vetëm 44% e depozituesve

BERZH: Ekonomia shqiptare pritet të rritet 3.5% nxitur nga reformat e BE-së, energjia mbetet rrezik

Bankat fshinë 5 miliardë lekë kredi në gjysmën e parë të vitit

Ecja dhe shikimi, vështirësitë më të shpeshta të shqiptarëve/ 28% raportojnë kufizime

Mbrojtja nga shpenzimet në roaming, kontratat duhet të përcaktojnë një vlerë limit prej 6000 lekësh

Kursi i këmbimit, 24 shtator 2026

BSH: Rreziqe në tregun e brendshëm nga 3 faktorë, ja sektori më i ekspozuar

Rritja e çmimeve të banesave u frenua në gjysmën e parë të 2026


Kursimtare apo me më pak para?/ Familjet me kryefamiljare gra shpenzojnë 20 mijë lekë më pak

[editorial](#)

09:11 Editorial Bujar Leskaj

Të ndihmojmë SHISH-in të mbrojë shtetin nga krimi, dhe jo krimin nga shteti!!

CNA LIVESTREAM



Na ndiqni edhe në



[acromax](#)

19:53 Acromax / Aldor Nini

Skandali- dokumenti/ Acromax i Aldor Ninit raportoi CNA duke abuzuar me RTSH

[opinion](#)

07:33 Opinione Sadik Bejko

Rasputin, patronazhizmi seksual

21:28 Opinione Erion Dasho

SI PRODHOHET NJË KONSPIRACION?

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.